

ԱՐԵՎԵԼՅԱՆ ՀԱՅԱՍՏԱՆԻ ՎԱՐՉԱՏԱՐԱԾՔԱՅԻՆ ԲԱԺԱՆՈՒՄԸ
(591—629)

ԷԴՈՒԱՐԴ ԴԱՆԻԵԼՅԱՆ

Հայաստանի 591 թ. բյուզանդա-իրանական բաժանման մասին աղբյուրների հաղորդումները անհրաժեշտ է ուսումնասիրել ինչպես նոր սահմանագծի առանձին հատվածների, այնպես էլ Արևելյան Հայաստանի տարածքային կազմի լուսարանման առումով: Հայ պատմիչները մանրամասն թվարկում են Բյուզանդիային անցած և Իրանի գերիշխանության տակ մնացած տարածքները: Սեբեոսը երկու անգամ անդրադարձել է այդ հարցին: Խոսքով Փարվեզը (591—628 թթ.) խոստանում էր Մավրիկիոս կայսրին (582—602 թթ.) տալ զգուշմանս Ասորոց-գԱրուաստանն ամենայն միևնույն ժամանակ, և յերկրէն Հայոց՝ զաշխարհն Տանուտերական իշխանութեանն մինչև ցԱյրարատ և ցԴուին քաղաք, և մինչև ցեղր ծովուն Բղնունեաց և ցԱռեստաւան. և զմեծ մասն Վրաց աշխարհին՝ մինչև ցՏփիս քաղաք¹: Դա՛հին հաստատվելուց հետո Խոսրովը ճետնոցա գԱրուաստան զամենայն մինչև ցՄծբին, և զերկիրն Հայոց. որ ընդ իւրով իշխանութեամբն էր, ուտունն Տանուտերական մինչև ցՄծբին, և զգաւառն Կոտէից մինչև ցաւանն Գառնի և ցեղր ծովուն Բղնունեաց, և ցԱռեստաւան և զԴոգովիտ գաւառ մինչև ցՀացին և ցՄակու: Եւ կողմն Վասպուրական զնդին էր ի ծառայութիւն Պարսից արքային: Եւ ի նախարարացն Հայոց բազումք ի Յունաց կողմանէ և սակաւք՝ ի Պարսից: Եւ և զմեծ մասն Վրաց աշխարհին մինչև ցՏփիս քաղաք²:

«Մինչև ցԱյրարատ և ցԴուին», «մինչև ցՄծբին», «զգաւառն Կոտէից մինչև ցաւանն Գառնի» հասկացողությունները վերաբերում են Բյուզանդիային անցած «Տանուտերական իշխանության աշխարհի» արևելյան նոր սահմանագծին: Դվինը մնաց պարսից տիրապետության տակ: «Տանուտերական տունը» չի հակադրվում Կոտայքին, ինչպես առաջին հայացքից կարող է թվալ: Այլապես կհետևի, թե պատմիչը մի դժգոհում «Տանուտերական տան» տարածքում ներշնչում է մինչև Դվին ընկած հողերը (դրանց մեջ Հրազդան գետից արևելք, բնականաբար, մշտնում էր նաև Կոտայքը), իսկ մյուս դեպքում՝ մինչև Հրազդան, որից հետո սկսվում էր Կոտայքը: Սահմանագծի այս հատվածի մասին հետևյալ կարծիքներն են հայտնվել. «Կայսրությանն անցավ պարսկական Հայաստանի ամբողջ արևմտյան կեսը, ընդ որում, Գառնին Կոտայքում կաղմում էր սահմանագծի վերին կեսը»³, «Սահմանագիծը դառնում էր Կոտեից գավառը՝ Հրազդան գետի և նրա ձախ օժանդակ գծով, Ազատ գետը»⁴, «...Գեղամա լեռներ—Ազատ գետ—Արաքս

¹ «Կատմութիւն Ս ե ր է ո ս ի», աշխատասիրությամբ Գ. Վ. Արզարյանի, Երևան, 1979, էջ 76: Հուլյն հեղինակ Թեոփիլակտոսի հաղորդման համաձայն Խոսրովը խոստանում էր վերադարձնել Մարտիրոսապոլիսը, անհատույց զիջել Դարան և հրաժարվել Հայաստանից («Theopnylacti Simocattae Historiae», Ed. C. de Boor, Ed. correct. P. Wirth, Stuttgart, 1972, IV 13. 24): Հայտնի է, որ Մարտիրոսապոլիսը (Նփրկերտ) գտնվում էր Հայաստանում, սակայն նվաճողների համար այն իր ռազմաստրատեգիական նշանակությամբ այնքան կարևոր էր, որ առանձին է հիշատակվում: Հյուսիսային Միջագետքում նոր սահմանն անցնում էր կայսրությանն անցած Դարայի մոտակայքով: Այդ բաժանման մասին մի հայ քաղկեդոնականի զրվածքում կարդում ենք. «Ան (Խոսրովը—է. Դ.) ամբողջ Հայաստանը մինչև Դվին տվեց Մավրիկիոս կայսր, որի համար նրա կողմից արքա դարձավ» (տե՛ս Հ. Բարթիկյան, «Narratio de rebus Armeniæ», Դոնարեն Թարգմանությամբ մեզ հասած մի քաղկեդոնականի սկզբնաղբյուր, «Բանբեր Մատենադարանի», 1962, № 6, էջ 466):

² Ս ե ր է ո ս, էջ 84:

³ Н. Адонц, Армения в эпоху Юстиниана, СПб., 1908, с. 232.

⁴ Հ ե ո, Երկերի ժողովածու, հ. Բ, Երևան, 1967, էջ 219:

գետ...»⁵, «591 թ. բաժանումը, ինչպես Սերեոսն ու Հովհաննես կաթողիկոսն են նկարագրում, Բյուզանդիային տեր դարձրեց Հայաստանի ամբողջ արևմտյան ու կենտրոնական նահանգներին՝ մինչև Հրազդան գետը և Պարսկաստանի հպատակության տակ թողեց միայն Հյուսիսարևելյան նահանգները՝ Սյունիք, Արցախ, Ուտիք, Շարուրը՝ Դվինի հետ, հարավ-արևելքում Վասպուրական գավառը»⁶, «Դվին—Աղատ գետ—Գառնի—Հրազդան գծից արևմուտք ընկած հողերը անցան կայսրությանը»⁷, «և որ սահմանագծի հյուսիսում սահման պետք է ընդունել ոչ թե Հրազդանը, այլ Աղատ գետը և սրա վերին հոսանքի աջ ափին գտնվող Գառնի ավանը՝ Կոտայք գավառը դարձել է բյուզանդական, իսկ Ոստան Հայոց գավառը մնացել պարսկական»⁸:

Անհրաժեշտ է հիշել, որ Հրազդանից ձախ տեղագրված էին Այրարատ նահանգի ոչ միայն Կոտայք, այլև վերջինից հյուսիս՝ Մաղաղ գավառները⁹։ Ուտի, կարծել, թե Կոտայքը Հրազդան գետով էր սահման կազմում կամ սահմանագիծը ուղղակի Հրազդան—Գառնի—Աղատ գծով նշելը կարող է թյուրիմացություն առաջացնել։ Այդ դեպքում հաշվի չի առնվի Հրազդան և Աղատ գետերի միջև ընկած տարածքը, և դրանից կհետևի, թե այդ գետերը միևնույն բնական գծի վրա էին գտնվում, այնինչ դրանց միջև ընկած է Կոտայքը։ Նկատի ունենալով նաև Հովհաննես Դրասխանակերտցու («Իսկ մեծ հայրապետն Արրահամ ըստ նախասաց բանին ի Դվին քաղաքի բնակ էր ի Պարսից բաժնի անդ. վասն զի գետն Աղատ զսահման բաժնիցն երկոցունց ընդ մէջ հատանլը»¹⁰) և Արսեն Սափարէցու («Աղատ գետն, որ է սահման պարսից»¹¹) հաղորդումները, կարելի է եզրակացնել, որ բյուզանդա-իրանական սահմանագծի այս հատվածն անցնում էր Հրազդանի վերին հոսանքի երկարությունամբ, այնուհետև Մաղաղի և Կոտայքի գավառասահմանով հեռանում էր Հրազդանից և հասնում մինչև Գեղամազան լեռան լանջերը, այնտեղից Կոտայքի արևելյան գավառասահմանով հասնում էր Աղատ գետի ավազանի վերին մասում գտնվող Գառնի ավանը։ Մաղաղը մնաց Արևելյան Հայաստանի կազմում, Աղատ գետը սահման դարձավ¹²:

5 Թ. Խ. Հ ա կ ո բ յ ա ն, Հայաստանի պատմական աշխարհագրություն, Երևան, 1968, էջ 115:

6 Բ. Ա. Ու լ ու բ ա Ր յ ա ն, Դրվագներ. Հայոց Արևելից կողմանց պատմության, Երևան, 1981, էջ 256:

7 Բ. Հ. Հ ա Ր ու Թ յ ու Ն յ ա ն, Մեծ Հայքի Վասպուրական աշխարհը ըստ «Աշխարհացոյց»-ի [«Բանբեր Երևանի համալսարանի», 1983, № 3 (այսուհետև ԲԵՀ), էջ 132]:

8 Վ. Կ. Ի ս կ ա ն յ ա ն, Մարզպանական Հայաստանը VII դարում (տե՛ս «Հայ ժողովրդի պատմություն», հ. Բ, Երևան, 1984, էջ 265): Բյուզանդա-իրանական սահմանագիծն իր հյուսիսային հատվածում Սևանի ավազանի հյուսիս-արևելյան մասից լոպինաս (Աղստև) և Չորագետ գետերի ավազաններով հասնում էր մինչև Կուր գետի հովիտը, այնուհետև այնտեղից հեռանալով, ձգվում էր մինչև Աղանդուն (Թերեք) գետի հովիտի վերին ջրանը, որտեղ բնակվում էին ծանարները (նույն տեղում, «Հայաստանը և հարևան երկրները 591—653 թթ.» քարտեզը, հեղ.՝ Ս. Ս. Երեմյան: Թերեք գետի հնագույն անվանումների և ծանարների ցեղի մասին տե՛ս Г. Г. М к р т у м я н, Грузинское феодальное княжество Кахети в VIII—XI вв. и его взаимоотношения с Арменией, Ереван, 1983, с. 34—35):

9 Ս. Ս. Երեմյան, Հայաստանը ըստ «Աշխարհացոյց»-ի, Երևան, 1963, էջ 60, 64:

10 «Յ ո վ հ ա ն ն ու կ ա թ ո ղ ի կ ո ս ի Դրասխանական կերտեց ո յ Պատմութիւն Հայոց», ի լոյս ընծայեաց Մ. Էմին, Մոսկվա, 1853, էջ 42:

11 Լ. Մ ե լ ի ք ս ե Թ-Բ ե կ, Վրաց աղբյուրները Հայաստանի և հայերի մասին, հ. Ա, Երևան, 1934, էջ 43: Տե՛ս նաև Հ. Բ ա Ր Թ ի կ յ ա ն, նշվ. աշխ., էջ 467:

12 Հայաստանի հաշվին խոսրովի՝ Մավրիկիոսին ղեկած հողերի թվում Դրասխանակերտցին և Վարդան Արևելյին հիշատակում են. «և յերկուցն ևս գաւառաց, որ է Մասեացոսն և կողմն Արաքածուն» (Հ ո վ հ ա ն ն ե ս Դրասխանական կերտեցի, էջ 39, «Հաւաքումն Պատմութեան Վարդանայ վարդապետի», Վենետիկ, 1862, էջ 59): Ծնթագրվել է, որ Դրասխանակերտցու բնագրում եղել է «Արածու կողմն» (ԲԵՀ, էջ 132), սակայն հաշվի չի առնվել Վարդանի հաղորդումը։ Արևելյան Հայաստանի կազմում Մասացոտնի մնալու մասին կարող է վկայել այն փաստը, որ Քրիստափոր կաթողիկոսը (628—630), կարգից գրկվելուց հետո Մասացոտնում՝ Ուղեաց գյուղի մոտ մենարան կառուցեց և այնտեղ էր բնակվում (Հ ո վ հ ա ն ն ե ս Դրասխանական կերտեցի, էջ 44, (Վարդան, էջ 262, Մ. Օրմանյան, Ազգապատմութ., հ. Ա, 1959, էջ 682): Նշենք, որ «կողմն» բառի իմաստներն են. «կողմ, գաւառ, երկիր, կող, կողքին, եզերքը»

Հացյունից և Մակուից հետո սահմանագիծը անցնում էր Կոզովիտի հարավային գավառապահանով և, թեթևելով հարավ-արևմտյան ուղղությամբ, հասնում էր Եղեգր ծովուն Բզնունեաց, և ցԱռնստաւան: Ուշագրավ է, որ Սեբեոսը սահմանագիծը (Սևան և Վալ լճերի միջև ընկած հատվածում) նախ նկարագրում է հյուսիսից հարավ (մինչև Գառնի), այնուհետև՝ հարավից հյուսիս (Վանա լճից մինչև Մակու): Ուստի, Կոզովիտից հետո սահմանագիծը հասնում էր Առնստավանին և Վանա լճին, որից հարավ-արևմուտք այն անցնում էր Ընծաքիսար լեռան մոտակայքով, Մոկրի արևմտյան եզրագծով և Ջերմ գետի ստորին հոսանքի շրջանով:

Ն. Աղոնցի կարծիքով Տանուտերական երկիրը մինչև 591 թ. համապատասխանել է մարզպանական Հայաստանի տարածքին¹³: Ս. Երեմյանը համամիտ է Ն. Աղոնցիին և գրում է, որ 482—484 թթ.¹⁴ ապստամբության հաջող ելքից հետո Վահան Մամիկոնյանը դառնում է երկրի՝ նախարարների ու ժողովրդի կողմից ճանաչված կառավարիչը, և այդ ժամանակից սկսած, ի տարբերություն բյուզանդական Հայաստանի, մարզպանական Հայաստանը դարձավ «Տանուտերական երկիր», իսկ Դվինը՝ նրա մայրաքաղաքը¹⁵: «Տանուտերական իշխանության երկիր» հասկացությունը (իր տարբերակներով) առաջին անգամ հիշատակել է Սեբեոսը: Ուրեմն, շնայած այն գոյություն է ունեցել նախքան 591 թ., սակայն առաջին անգամ գրանցվել է VII դարի աղբյուրներում, այն էլ այն առիթով, երբ դրա տարածքը նշվում է կրճատված՝ Բյուզանդիայի կողմից նոր նվաճված հայկական հողերի սահմաններում: Մամիկոնյանը իր նախորդների ժամանակ կայսրության կողմից նվաճված հայկական հողերը վերախմբավորեց, իսկ նոր գավթած հողերը բաժանեց երեք խոշոր նահանգների. «Մեծ Հայք», «Ետրազդուն Հայք» և «Ներքսազդուն Հայք»¹⁶, որոնք համապատասխանում էին «Տանուտերական իշխանության երկրի» տարածքային նոր վիճակին 591 թ. բաժանումից հետո¹⁷: Եթե մինչ բաժանումը այն համապատասխանել է մարզպանական Հայաստանի տարածքին, ապա դրանից հետո Տանուտերական երկրի մի մասը մնացել էր պարսից տիրապետության տակ: Այդ մասը կազմում էին Այրարատ նահանգի հարավ-արևելյան վերոհիշյալ հատվածը, Վասպուրականը, Մոկրը, Պարսկահայքը, Սյունիքը և հարակից հողերը¹⁸:

(Հ. ր. Աճ ա ո յ ա ն, Հայերեն արձատական բառարան, հ. Բ, Երևան, 1973, էջ 621): Տվյալ դեպքում «կողմն Արագածուն» կարող էր նշանակել «Արագածոտն գավառի եզրերը»: Արագածոտն գավառի տարածքի հիմնական մասն անցել էր կայսրությանը, իսկ Մասպատուն գավառին հարող ծայր հարավային հատվածը կարող էր մնացած լինել Իրանի տիրապետության տակ գտնվող Արևելյան Հայաստանի կազմում: Ուրեմն, Դրասխանակերտցու և Վարդանի հաղորդումները հաշվի առնելու դեպքում կհետևի, որ սահմանագիծը Ազատի և Արաքսի գետախառնուրդից թեթևելով էր հյուսիս-արևմուտք և վերջինիս հովտով հասնում էր Արագածոտն գավառի եզրերը, այնուհետև, շրջվելով հարավ և հարավ-արևելք, անցնում էր Մասպատունի ու Կոզովիտի սահմանով և հասնում մինչև Արտազ գավառի Հացյուն ու Մակու բնակավայրերը:

¹³ Н. АДОНИЦ, *нշվ. աշխ.*, էջ 231—232:

¹⁴ Հմմտ. Կ. Ն. Յուզբաշյան, Երբ է սկսվել Վահան Մամիկոնյանի գլխավորած ապստամբությունը [«Պատմա-բանասիրական հանդես» (այսուհետև ՊՀ), 1984, № 1, էջ 95—101]:

¹⁵ «Հայ ժողովրդի պատմություն», հ. Բ, էջ 205:

¹⁶ Հովհաննես Դրասխանակերտցի, էջ 40: Մամիկոնյանը ստեղծել էր «Վերին Միջագետք» կամ Զորորդ Հայք (կենտրոնը՝ Ամիդ) և «ալլ Զորորդ Հայք» (կենտրոնը՝ Դագիմ) նահանգները (տե՛ս Н. АДОНИЦ, *нշվ. աշխ.*, էջ 234): Թ. Հակոբյանը այլ կարծիքի է. «Արևմտյան Հայաստանում կողք կողքի գոյություն ունեին երկու Զորորդ Հայքեր՝ իսկական Զորորդ Հայք և Հյուսիսային Միջագետքը կամ Մյուս Զորորդ Հայքը: Առաջինի վարչական կենտրոնը, ինչպես տեսանք, Մարտիրոսպոլիսն էր... իսկ երկրորդինը՝ Ամիդը» (Թ. Հակոբյան, *нշվ. աշխ.*, էջ 115):

¹⁷ Տե՛ս «Հայաստանը և հարևան երկրները 591—653 թթ.» քարտեզը, հեղ.՝ Ս. Տ. Երեմյան («Հայ ժողովրդի պատմություն», հ. Բ):

¹⁸ Կարծիք է հայտնվել, որ «Վասպուրական գնդին» կամ «Վասպուրական երկիր» անունը կրող Հայոց մարզպանության Իրանի տիրապետության տակ մնացած հատվածը շատ ավելի ընդարձակ էր, քան Մեծ Հայքի Վասպուրական աշխարհը (ԲՆՀ, էջ 137): Անհրաժեշտ է նշել, որ, եթե «կողմն Վասպուրական գնդին» և «կողմն Սեպհական գնդին» համարվեն երեք (Թ. Ավդալ-բեգյան, Հայագիտական հետազոտություններ, Երևան, 1969, էջ 141—145) և Սեբեոսը Դվինը

Արևելյան Հայաստանը, որը պարսից տիրապետության տակ էր մնացել, նվաճողների պառակտյալ թաղաքականության հետևանքով իր հերթին մի քանի մասերի էր բաժանված: Դրանցից յուրաքանչյուրն ընդգրկված էր տարրեր բնույթի տարածքային միավորների մեջ: 572 թ. ապստամբության նախօրեին Սյունիքը դուրս եկավ Դվինում նստող պարսից մարզպան Սուրենի (ապստամբության ժամանակ հայերը նրան սպանեցին) ենթակայությունից և Վահան Սյունեցին խնդրեց նոսրով արքային, «դի տարցեն զդիւան աշխարհին Սիւնեաց ի Դրւնայ ի Փայտակարան քաղաք, և կարդեսցէ զքաղաք ի շահրմար Ատրպատականի»¹⁹: Սյունիքից արևելք դրանքով են Ուտիք և Արցախ²⁰ հայկական նահանգները, ուստի, Վահան Սյունեցու քայլը, որը փաստորեն ուղղված էր պարսից մարզպանի դեմ (այլ ոչ թե մի ես կոչեսցի անուն Հայոց ի վերայ նոցա», քանի որ այստեղից կարելի է նաև հասկանալ, որ նա մարզպանության կազմից դուրս էր բերում իր երկրամասը), այնուամենայնիվ, իր բացասական հետևանքներն ունեցավ համահայաստանյան շահերի համար: 1) 572 թ. ապստամբությունից դուրս մնաց Սյունիքը, որը հզորում էր ներկայացնում, 2) թաղաքականապես և տնտեսապես, թեկուզ և ժամանակավորապես, Հայաստանի կենտրոնական շրջանների կապը կտրվում էր իր արևելյան երկրամասերից²¹, Սաակայն VII դ. 40—50-ական թվականներին Սյունիքը նա հանգես եկավ Թեոդորոս Ռշտունու դրոշի տակ որպես հայկական հողերի վերամիավորման և հայկական պետության վերականգնման համար նրա մղած պայքարի կարևոր ուժերից մեկը²²:

591 թ. հետո հայոց մարզպանության կենտրոնը շարունակեց մնալ Դվինը: Սերեոսի հաղորդումներից հետևում է, որ Դվինում նստող սահմանակալները և մարզպանները VI դ. վերջում և VII դ. առաջին երկու տասնամյակներում պարսիկներ էին²³. «Եւ այս են սահմանակալք տէրու-

հիշատակում է՝ Եկողմն Սեպհական գնդին» հասկացությունից առանձին (Ս ե ռ ե ո ս, էջ 166), ուրեմն, դժվար է ասել, թե Վասպուրական գնդի տարածքի մեջ մտնում էին նաև Այրարատի արևելյան հատվածի գավառները, Մոկքը, Պարսկահայքը և այլն, ինչպես այդ անում է Բ. Հարությունյանը: Մ. Հովհաննեսյանը սխալ է քննադատում Բ. Ավդալբեգյանին, նշելով, որ «Սեպհական գունդին կողմը պետք է հասկանալ Դվինի և շրջակայքի համար» (Մ. Հովհաննեսյան, Հայաստանի բերդերը, Վենետիկ, 1970, էջ 900): Կարծում ենք, որ Սերեոսի շարադրանքից չի բխում, թե Վասպուրական գունդը համարժեք էր Հայկական մարզպանության տարածքին (591 թ. բաժանումից հետո): Այն զբաղեցնում էր մարզպանության մեծ մասը, ուստի, Սերեոսը բյուզանդա-իրանական սահմանից արևելք ընկած Հայաստանի տարածքը անվանում է Եկողմն Վասպուրական գնդին:

19 Ս ե ռ ե ո ս, էջ 67—68:

20 Անանիա Շիրակացին Ուտիքի կազմում հիշատակում է Առան-ոստ, Տրի, Ռոտ-Պարսյան, Աղվե, Տոււ-Քուստակ, Գարդման, Շակալէն, Ուտի առանձնակ. գավառները: Արցախը, ըստ Անանիա Շիրակացու, պարունակում էր Մյուս Հարանդ, Վայկունիք, Բերդաձոր, Մձձ Առանք, Մեծկվենք, Հարճլանք, Մուխանք, Պիանք, Պածկանք, Սիսական ի Կոտակ, Քուստ ի Փառնես, Կոզթ [Մատենադարան Մխիթարյանց, Վենետիկ, Զեռ. № 1245, Ս. Տ. Երեմյան, Նշվ. աշխ., էջ 109, 2. Ս. Սվազյան, «Աղվանից աշխարհ» հասկացությունը ըստ Մովսես Կաղանկատվացու («Բանբեր Հայաստանի արխիվներին», 1973, № 1, էջ 231—233), Բ. Ուլուբաբյան, Նշվ. աշխ., էջ 34—39, նույնի՝ Խաչենի իշխանությունը X—XVI դարերում, Երևան, 1975, էջ 30—38]:

21 Հմմտ. Բ. Ուլուբաբյան, Դրվագներ Հայոց արևելից կողմանց պատմության, էջ 200—201:

22 Ս ե ռ ե ո ս, էջ 166, 173: Անանիա Շիրակացին VII դ. Սյունիքի կազմում հիշատակում է հետևյալ գավառները. Երնշակ, Ճահուկ, Վայոց ձոր (Եղեղնաձոր), Գեղաքունի, Սողք, Աղահենք, Մղուկ, Հարանդ, Բաղք, Զորք, Արեիք, Կովսական (տե՛ս Ս. Տ. Երեմյան, Նշվ. աշխ., էջ 109, 117):

23 Այս տեսակետից պարզ է, թե ինչու այդ ժամանակաշրջանում Սյունիքի իշխանությունը շարունակեց մնալ Հայաստանի մարզպանական մասից դուրս: Սյունիքը մարզպան շուներ և կառավարվում էր սեփական իշխանների կողմից (Н. А. ДОНЦ, Նշվ. աշխ., էջ 221): Սյունիքը փաստորեն միակ. հայոց իշխանությունն էր այդ ժամանակաշրջանում, որը ինքնիշխան էր դարձել և իր հարաբերությունները Իրանի հետ կառուցում էր Ատրպատականի մայրաքաղաք Գանձակում նստող Քուստ-ի-Կապկոհ սպայապետության փոխարքայի միջոցով, առանց մարզպանի միջամտության:

Քեանն Պարսից յամս հաշտութեան այնորիկ ի Հայաստան երկրի և ի Դուին քաղաքս Վնգատական, նիխորական... Ապա Մերկուտ. ապա Յազգէն, ապա Բուտմահ. ապա Յեմանն...»²⁴։ Սմբատ Բագրատունու Հայաստանում գտնվելու (807 թ.) և նրա նախաձեռնությամբ Դվինի սր. Գրիգոր եկեղեցու վերակառուցման կապակցությամբ Սերբոսը հիշատակում է մի մարզպանի, որը, փորձելով խախտել շինարարական աշխատանքները²⁵, բերդակալի հետ ամրաստանության գիր էր գրել արքային։ Ստ. Մալխասյանցը նշել է, որ Դվինի այդ մարզպանը պարսիկ էր, հավանաբար Յեմանը²⁶։ Սերբոսի հաշորդ շարադրանքից հայտնի է դառնում. «Եւ յոստանն Դըմայ եկն մարզպանութեանն Շահրայեանպետ...»։ Եւ յոստանն Դըմայ եկն փոխանակ Շահրայեանպետի Պարսեանպետ, Պարշնաղդատ ապա Նամդար Վշնասպ. ապա Շահրապղական... ապա Ըռոճ Վեհան»²⁷։ Նրանք և՛ զորավարներ էին, և՛ մարզպաններ։ Ուստի հարկ չկա կարծելու, թե Հայաստանի մարզպանը 591—617 թթ. եղել է Սմբատ Բագրատունին²⁸, որը, իրականում, Վրկան երկրամասի մարզպանն էր՝ կարգված Խոսրով ֆարվեզի կողմից²⁹։

Կարծում ենք, որ մարզպանական Հայաստանը տարածքով համարժեք չէր Վասպուրական զնդին այն պարզ պատճառով, որ հայ պատմիչները հանվանն հիշատակում են այն հողերը, որոնք Այրո՝ քառի կազմից մնացին պարսից տիրապետության տակ։ Կարելի է ասել նաև, որ «կողմն Սեպհական զնդին» և «կողմն Վասպուրական զնդին» միանգամից չեն դարձել իրար համարժեք։ «Աշխարհացոյց»-ի Վասպուրական աշխարհը համապատասխանել է դրանց տարածական ընդարձակման առավելագույն փուլին։ Վասպուրականի՝ որպես աշխարհի, գաղափարը 591 թ. հետո ոչ թե մեղավ. ինչպես կարծիք է հայտնվել³⁰, այլ իր հասունացման փուլը թևակոխեց։ Բ. Ավդալբեգյանը իրավացի է, երբ Սերբոսի հիշատակած «կողմն Սեպհական զնդին» հասկացությունը նույնացնում է «կողմն Վասպուրական զնդին» հետ։ Գիտնականը սրանց լրիվ համագործ է համարում նաև Փավստոս Բուզանդի հիշատակած «սեփական գունդը»³¹, ըթե դա ճիշտ է, ուրեմն, խոսքը կարող է լինել Վանա լճից հյուսիս-արևելք ընկած Արշակունյաց տան սեպուհների երկրամասից³² հաշվառված զորագնդի մասին։ Ի դեպ, երբ Մովսես Խորենացին գրում է Հաշտայանը, Աղիովիտ և Առբերանի գավառների՝ Արշակունի սեպուհների տիրույթների մասին, այնուհետև պատմում է, որ Երախնավու Անձևացու մոտ Տիրանը թողել էր իր մերձավորներից Դրուասպ պարսիկին, որը «խնամիացել էր ընդ նախարարս Վասպուրականի, որում տունալ էր գաւանն Տատեոնս հանդերձ ազարակօքն»³³։ Տատեոն ավանը գտնվում էր Մաղկոտն գավառում, որը սահմանակից էր Աղիովիտ և Առբերանի գավառների Արշակունյաց սեպուհների տիրույթներին։

24 Ս Ե Բ Ե Ո Ս, էջ 105։

25 Նույն տեղում, էջ 100։

26 «История епископа Себеоса», перев. Ст. Малласянца, Ереван, 1939, с. 161—162, прим. 109. Այստեղ առկա է տպագրական վրիպակ։ Գրված է՝ «марзпан Арменак, перс», այնինչ պիտի լիներ՝ «марзпан Арменин, перс», քանի որ այնուհետև կարդում ենք Յեման մարզպանի մասին։

27 Ս Ե Բ Ե Ո Ս, էջ 111, 113։

28 А. Тер-Гевондян, Армения и Арабский халифат, Ереван, 1977, с. 19.

29 Ս Ե Բ Ե Ո Ս, էջ 96, 98, 101։

30 ԲԵԶ, էջ 137։

31 «Фавлустопаи Релюангасеги Պատմութիւն Հայոց», Վենետիկ, 1832, էջ 375—376։

32 Ս. Երեմյանը գրում է, որ Աղիովիտ և Առբերանի գավառների տարածքում Արշակունյաց տան սեպուհների ընկալվալը կոչվում էր «Սեպու[ր]հական» կամ «Վասպուրական», «Երկիրն սեպհական զնդին»։ 591 թ. հետո Վասպուրական անունը տարածվեց այն տարածքի վրա, որը «Աշխարհացոյց»-ում հայտնի է այդ անունով (Ս. Ե Բ Ե Ո Ս, նշվ. աշխ., էջ 33)։ Ս. Երեմյանը, ի տարբերություն Ն. Ազոնցի [«Հոռմենացիների տանուտերական հողի մի մասի անցումից հետո, Վասպուրական էր նշանակում պարսիկներին մնացած մասը ի տարբերություն Հոռմենականի» (Н. Адонц, նշվ. աշխ., էջ 232)], իրավացիորեն կարծում է, որ Վասպուրական անունը կրող տարածքը իր սահմաններով չգերազանցեց «Աշխարհացոյց»-ի Վասպուրական աշխարհին։ Այսինքն, այն համարժեք չէր մարզպանության տարածքին։

33 «Մովսեսի Խորենացու Պատմութիւն Հայոց», Տփլիս, 1913, էջ 194։

Ինչպես նշում է Հր. Աճառյանը, «սեպհական (սեփական, սեփհական)» բառը «առանձնական, իրական, իրեն պատկանած, տեր եզած» նշանակությամբ ծագել է «սեպուհ» բառից³⁴։ Արդյո՞ք Փափստոսի հիշատակած «սեփական դունդ» արտահայտությունը պարունակում էր «սեպուհական» բառը իմաստով։ ԶԷՊ-ը վերջինս համապատասխանում էր Արշակունյաց տան սեպուհների գաղափարից հավաքագրված գնդին։ Ինչպե՞ս կարող էր սեպուհների գունդը հայտնվել դավաճան Մերութան Արծրունու հրամանատարության ներքո։ Կարծում ենք, որ Փափստոս Բուղանդի հիշատակած «սեփական գունդը» պատմաաշխարհագրական հասկացությունն է, այլ միայն պարունակում է «իրեն պատկանած, առանձնական» (այսինքն՝ Մերութանին պատկանող) գունդ իմաստը, չնայած, բառը սկզբնապես կարող էր ծագած լինել «սեպուհ»-ից։ Անկախ այս ամենից, պետք է ընդունել, որ Արշակունյաց տան սեպուհների՝ Վանա լճից հյուսիս-արևելք զբաղեցրած տարածքում (Աղիովիտ և Առեփրանի գավառներ) են ձևավորվել «Սեպհական գունդ», «Վասպուրական գունդ» հասկացությունները, որոնք ընկած են «Վասպուրական աշխարհ» պատմաաշխարհագրական հասկացության հիմքում։

Անանիա Շիրակացու հիշատակած Վասպուրական աշխարհն իր գավառներով համապատասխանում է VI դ. վերջի և առավել ևս VII դ. 30—40-ական թվականների քաղաքական իրավիճակին՝ «Աշխարհացոյցում» հիշատակված հայոց տասնհինգ աշխարհներն իրենց մեջ բովանդակում են Հայաստանի ամբողջական տարածքը պատմական տարրեր փոփոխում, սկսած հնագույն ժամանակներից։ Անանիա Շիրակացին ժամանակակից էր հայոց պետականության և Հայաստանի ամբողջականության վերականգնման ուղղությամբ սկսված պատմական պրոցեսին, ուստի, իր «Աշխարհացոյց»-ում գրանցել է պատմաաշխարհագրական կարգի բոլոր այն մանրամասնությունները, որոնք հայոց պետական գործիչներին կարող էին ուղեցույց լինել Հայաստանի ամբողջական տարածքի վերականգնման գործում։

Այս տեսանկյունից՝ Վասպուրական աշխարհը Շիրակացու ժամանակին ավելի մոտ կանգնած իրողություն է։ Եթե «Աշխարհացոյց»-ը լինեի V դարի գործ³⁵, ապա նրանում ամենայն մանրամասնությամբ նկարագրված Վասպուրական աշխարհը չէր կարող չարտացոլվել դարիս աղբյուրներում։ Ավելին, V դարի հայ պատմիչները այն կազմող գավառներից մի քանիսը հիշատակում են, սակայն Վասպուրական աշխարհը՝ ոչ։ «Աշխարհացոյցում», ինչպես հայտնի է, նաև այնպիսի մանրամասնություններ են առկա, որոնք վերաբերում են VI—VII դդ. Վասպուրական աշխարհի V դ. գոյություն ունեցած լինելու օգտին կարծիք է հայտնվել, թե հնում «Վասպուրականի տարածքում Մարգապետականից քաղի գոյություն է ունեցել մեկ այլ վարչական շրջան», որի տարածքը «ընդգրկում էր մինչև Նախճավան գավառը և Կոտոր կամ Կարմիր գետը ընկած շրջանները», և «այլ խոսքով, Արևմտյան Վասպուրականը համաձայն Պտղոմեոսի հանդիսացել է առանձին վարչական շրջան և կոչվել է Տոսպ կամ Տոսպ իր գլխավոր գավառի անունով»³⁶։ Բայց չէ որ այս կարծիքի հեղինակին հայտնի է, որ «Տոսպը տարածվում էր Վան քաղաքի շրջանում»³⁷։ Ավելին, չնայած Բ. Հարությունյանը Տոսպի և շրջակա գավառների կապակցությամբ հիշատակում է Ն. Աղոնցի և Ս. Երեմյանի աշխատությունները, սակայն Տոսպի տարածքը (որի մասին Բ. Հարությունյանը գրում է. «Իր մեջ ներառնելով Գուկանքի ամրոցի արևելակողմից մինչև Մարմետ գետն ընկած տարածքը») ավելի ընդարձակ է ներկայացնում, իսկ Բոգոմիրի մասին նշում է. «զբաղեցնում էր Մարմետ գետի ստորին հոսանքի շրջանը»³⁸։ Հստ Ն. Աղոնցի և Ս. Երեմյանի, Տոսպը զբաղեցնում էր Վան (հնում՝ Տուշպա) քաղաքի շրջակայքը³⁹։ Ն. Աղոնցը, հիմք ընդունելով Ղեոնդի և Թովմա Արծրունու հաղորդումները, Գուկան գավառը համարել է Ռշտունիքի Գուկան գյուղի հետ, իսկ Արտաշիսյանը տեղագրել է Վանա լճից ոչ հեռու⁴⁰։ Ս. Երեմյանը նշում է, որ Գուկանք գավառը գտնվում էր Հայոց ձորի այժմյան Գյուղանց գյուղի շրջակայքում, իսկ Արտաշիսյանը՝ այժմյան Արտամետի շրջանում⁴¹։ Հստ Ս. Երեմյանի վերականգնած «Աշխարհա-

34 Հր. Աճառյան, Հայերեն արմատական բառարան, հ. Գ, Երևան, 1979, էջ 202։

35 ԲԵԶ, էջ 118—119։

36 Նույն տեղում, էջ 119։

37 Նույն տեղում, էջ 112։

38 Նույն տեղում։

39 Н. Адопц, нзл. աշխ., էջ 315, Ս. Երեմյան, нзл. աշխ., էջ 82։

40 Н. Адопц, нзл. աշխ., էջ 318։

41 Ս. Երեմյան, нзл. աշխ., էջ 41, 48։

ցոյց-ի քարտեզի, Տոսպի և Գուկանքի միջև ընկած էր Արտաշիսյանը, իսկ Տոսպի սահմանագիծը արևելքից մինչև Մարմետ գետը չէր հասնում: Տոսպի հյուսիսային սահմանը կազմում էր ոչ թե Մարմետ գետը, այլ Բոգունիք գավառը⁴², որը, ըստ Ս. Երեմյանի առաջարկած տեղագրության, գտնվում էր Մարմետ գետի ստորին հոսանքի ձորահոսվածում⁴³: Հայտնի է, որ Տոսպ անունը ծագել է Տուշպա (Վան) անունից: Սարգստի Ա-ն (840—825 թթ. մ. թ. ա.) մոտ 840 թ. մ. թ. ա. կառուցեց Տուշպա (հետագայում Տոսպ, Վան) մայրաքաղաքը, որի անունը փոխադրված է Վանի քարաժայռի վրա⁴⁴: Այդ անունով Ստրաբոնը հիշատակել է Վանա լիճը (Strabo. XI. 14. 8): Պտղոմեոսը, Տոսպը (Ptol. V. 12. 3) հիշատակելով, նկատի է ունեցել հենց Վան քաղաքը և դրա շրջակայքը, ուստի, ոչ մի հիմք չկա այն համապատասխան համարելու՝ «Արեւմտյան Վասպուրականին», որը, վերահիշյալ տարածքային առումով, մոտ քսան անգամ մեծ էր իրական Տոսպի տարածքից:

Վասպուրականի գավառացանկում հանդիպում է Բառիդովիտ (Աղովիտ, Աղավիտ) գավառ-անունը, որի կապակցությամբ նշված է. «Բառիդովիտ-Բառիդովիտ հնարավոր է տեղագրել միայն Մարմետ գետի վերին հոսանքի շրջանում, որը ուրարտական շրջանում հավանաբար կոչվել է Բարել կամ Բարիլի: Ձի բացառվում, որ այդ անունը կրել է Մարմետ գետը իր վերին հոսանքի շրջանում: Ժխտելով Ս. Երեմյանի տեսակետը⁴⁵, Բ. Հարությունյանը գրում է. «Վասպուրական աշխարհում Արիդովիտ գավառ գոյություն չի ունեցել»⁴⁶: Այն, որ Ս. Երեմյանը չի հիշատակում «Աշխարհացոյց»-ում և Թովմա Արծրունու երկում տեղ գտած Բառիդովիտ անվանումը, դեռևս չի նշանակում, որ Աղովիտ ընթերցվածը պետք է դուրս եկտել: Անհրաժեշտ է նկատի ունենալ, որ այդպիսի ընթերցում հանդիպում է Մեսրոպ Մաշտոցի անվան մատենադարանի № 2370 ձեռագրում, որը «Աշխարհացոյց»-ի լավագույն ձեռագրերից է, ինչպես երևում է թեկուզ Առաջին, երկրորդ և երրորդ Հայքերի նկարագրությունից: Կարծելով, թե ինչ-որ մի ձեռագրում Բառիդովիտ գավառանունը ընկալվել է որպես «Բ Աղովիտ»⁴⁷, ինչպե՞ս կարելի է պատկերացնել այդ անցումը, եթե, օրինակ, հիշված ձեռագրում գրանցվել է միայն «Աղովիտ»-ը:

Եթե նկատի ունենանք, որ սեպագիր աղբյուրներում Բարել կամ Բարիլ երկրի կամ գավառի հիշատակություն չկա, ապա պարզ կդառնա Բ. Հարությունյանի առաջարկած տեղագրության թերի լինելը: Ավելին, նա գտնում է, որ «այդ անունը կրել է Մարմետ գետը իր վերին հոսանքի շրջանում»⁴⁸: Սակայն իրեն հայտնի է, որ Մարմետ գետի հինավուրց անունը եղել է Ալլուրիա, որը «կապվում է Բոգունիք գավառի Ալլուր գյուղանվան հետ»⁴⁹: Ուրեմն, ըստ հետազոտողի, Ալլուրիան Մարմետ գետի հինավուրց անունն էր, և միաժամանակ այն իր վերին հոսանքի շրջանում կրել է Բարել եկեղեցիի անունը: Վասպուրականի Կուղանովիտ, Գառնի, Առքերանի, Անձևացիք գավառների տեղագրության կապակցությամբ⁵⁰ Բ. Հարությունյանի հոգ-

42 Ինչպե՞ս կարող էր Տոսպը տարածվել մինչև Մարմետ գետն ընկած տարածքը, եթե Մարմետի ստորին հոսանքի շրջանում գտնվում էր Բոգունիքը: Մարմետի միջին հոսանքի ձորահոսվածում Պալուսիք գավառն էր Մեծնունիք գավառի հարևանությամբ (Ս. Երեմյան, նշվ. աշխ., էջ 70, 76):

43 Նույն տեղում, էջ 45:

44 «Հայ ժողովրդի պատմության քրեստոմատի», հ. 1, Երևան, 1981, էջ 39—40 (հեղ. շ. Կարապետյան):

45 Ս. Երեմյան, նշվ. աշխ., էջ 33:

46 ԲԵՂ, էջ 113—114:

47 Նույն տեղում:

48 Նույն տեղում, էջ 113:

49 Նույն տեղում, էջ 114:

50 Ս. Երեմյանը Կուղանովիտը տեղադրում է Ներկայիս Կելան-դարասի կոլվոզ ձորահոսվածում: Գիտնականը խոշորի աշակողմյան վերին վտակը նշում է Կուղան անվամբ, որից պարզ երևում է, որ խոսքը Կալանիա գետի մասին է, ուստի, հարկ չկա փնտրելու այդ անվան նախնական ընթերցումը Կուղան ձևով, ինչպես այդ անում է Բ. Հարությունյանը, նկատի ունենալով՝ «Պտղոմեոսի հիշատակած Κολυσις վայրը, օրի վրա ժամանակին ուղադրություն է դարձրել Ս. Երեմյանը, ենթադրելով, որ այդ գավառի հնագույն անվանաձևն է Կուղանովիտը (էջ 61): Գառնի և Առքերանի տեղադրվում են Վանա լճից հյուսիս-արևելք, իսկ Անձևացիքը Ջերմ գետի ակունքների շրջանում (H. A. ДОНЦ, նշվ. աշխ., էջ 316, Ա. Երեմյան, նշվ. աշխ., էջ 36—37, 46):

վածում առարկություններ չկան: Տրպատունիքի⁵¹ և Բուն Մարդաստանի առումով, սակայն, այլ է վիճակը:

Ն. Աղոնցի և Ս. Երեմյանի կարծիքներում բավականին տարբերություններ կան Տրպատունիքի, Բուժունիքի և Առնոյ-ոտնի տեղագրությունների հետ կապված: Նրանք Անձևացիքը տեղագրում են միևնույն կերպ, սակայն ըստ Ն. Աղոնցի, Բուժունիքը և Առնոյ-ոտնը գտնվում էին Անձևացիքից հարավ, իսկ Տրպատունիքը՝ հյուսիս, Երվանդունիքի հարևանությամբ: Այնինչ, Ս. Երեմյանը Բուժունիքը և Առնոյ-ոտնը տեղագրում է Անձևացիքից հյուսիս-արևմուտք և արևմուտք, իսկ Տրպատունիքը՝ հարավ-արևմուտք: Բ. Հարությունյանը Բուժունիքի և Առնոյ-ոտնի կապակցությամբ ընդունում է Ս. Երեմյանի տեսակետը, իսկ Տրպատունիքի կապակցությամբ՝ Ն. Աղոնցի: Ն. Աղոնցը Բուն Մարդաստանի մասին տեղյակ է⁵² (Թովմա Արծրունու երկից), սակայն դրա տեղագրությունը չի կատարել: Բ. Հարությունյանը Ս. Երեմյանի առաջարկած Բուն Մարդաստանի տեղագրության տարածքում նշել է Տրպատունիքը, գրելով, որ «Աշխարհացոյցը» չի մոռացել Բուն Մարդաստան գավառը, այլ տվել է նրա մեկ այլ անվանումը՝ Տրպատունիք⁵³: Կարծում ենք, որ հետազոտության այսպիսի եղանակով հնարավոր չէ ժխտել Ս. Երեմյանի առաջարկած տեղագրությունը Տրպատունիքի վերաբերյալ:

Մարդաստանի տեղագրության հարցում Ն. Աղոնցը գտնում է, որ այն տարածվում էր Արձակ կամ Արճիշակ լճից մինչև Արտաղ⁵⁴: Ս. Երեմյանը Մարդաստանը (Մարդուցայքը) տեղագրում է Մակու քաղաքից արևմուտք, Վասպուրականի (Կոտուրի) լեռների արևելյան փեշերին⁵⁵: Արճիշակովիտ գավառը գտնվում էր նույնանուն լճի ավազանում:

Վասպուրականի Ակն գավառը Ն. Աղոնցը տեղագրել է (Մեծ) Աղբակից հարավ⁵⁶: Ս. Երեմյանը ավելացնում է, որ Ակն գավառի անունը աղբսովում է Ականիս անվան հետ⁵⁷, Թովմա Արծրունու երկում հանդիպող «Ակնամբեր» ընթերցվածը կարելի է գրչական միացման արդյունք համարել⁵⁸:

Վասպուրականի Թոռնավան գավառի տեղագրության հարցում Բ. Հարությունյանը ողորակի դժվարությունների առաջ է կանգնել, դրա տեղում նշելով Բառլովիտը: Հետազոտողը ուշադիր չի եղել Ն. Աղոնցի աշխատությունը ընթերցելիս և նրան անհիմն կերպով մեղադրել է իրարամբեր կարծիքների հայտնելու մեջ: Ե՛ն. Աղոնցը, — նշում է Բ. Հարությունյանը, — անդրադառնալով Թոռնավանի և Նկանի տեղագրությանը, դրում է, որ Թոռնավանը (Ն. Աղոնցի մոտ՝ ТОН-РАВАН) նկան ամրոցով, որը համապատասխանում է նազան գյուղին, գտնվել է Կոտուրից արևմելք: Սակայն նույն էջում 1 ծանոթագրության մեջ նա հայտնում է իրարամբեր կարծիք, ըստ որի Նկանի տեղագրությունը հիմք է ծառայում, որպեսզի Թոռնավանը տեղափոխվի Արաքսի համակարգից, ուր տեղագրում է Զ. Հյուրըմանը, Վանա լճի ավազանը: Այլ խոսքով, ծանոթագրության մեջ արդեն փոքրում է Նկանը տեղագրել Կոտուրից արևմուտք ընկած հատվածում⁵⁹:

⁵¹ Ըստ Ն. Աղոնցի, Տրպատունիքը տեղագրված էր Անձևացիքի և Երվանդունիքի միջև, իսկ Բուժունիքը և Առնոյ-ոտնը՝ Անձևացիքից հարավ, ընդ որում Բուժունիքը և Անձևացիքը նա տեղագրում է Արևելյան Տիգրիսի վերին հոսանքի շրջանում (Н. А. ДОНЦ, նշվ. աշխ., էջ 316): Ս. Երեմյանը Տրպատունիքը տեղագրում է Զերմ գետի (Արևելյան Տիգրիս) վտակ Շարուր-սուի հովտում, իսկ Բուժունիքը՝ Սուրբ Տիկին կամ Սև Տիկին գետակի ձորահովտում, Շատախից հյուսիս: Բուժունիքից հարավ-արևմուտք գտնվում էր Առնոյ-ոտն գավառը (Ս. Երեմյան, նշվ. աշխ., էջ 37, 45, 86):

⁵² Н. А. ДОНЦ, նշվ. աշխ., էջ 318:

⁵³ ԲՅԶ, էջ 114:

⁵⁴ Սերբոսի հիշատակած Մարգուցայքի հետ Մարդաստանը առաջինը նույնացրել է Ն. Աղոնցը (Н. А. ДОНЦ, նշվ. աշխ., էջ 316, 319, 417):

⁵⁵ Ս. Երեմյան, նշվ. աշխ., էջ 65:

⁵⁶ Մեծ Աղբակի (Մեծ Զար գետի վերին հոսանքի կամ Աղբակ գետի ավազանում) և Անձախիձորի (Ընծայինք, Կոտուր գետի վերին հոսանքի շրջանում) տեղագրությունների հարցում Ն. Աղոնցի (Н. А. ДОНЦ, նշվ. աշխ., էջ 316, 317) և Ս. Երեմյանի (Ս. Երեմյան, նշվ. աշխ., էջ 33, 36) կարծիքները համընկնում են:

⁵⁷ Ս. Երեմյան, նշվ. աշխ., էջ 32:

⁵⁸ Այս միացումը կասկածի տեղիք է տվել, սակայն հետազոտողը (ԲՅԶ, էջ 115), այնուամենայնիվ, եկել է Ս. Երեմյանի տեսակետին:

⁵⁹ Բ. Հարությունյան, նշվ. աշխ., էջ 115:

Ն. Աղոնցի դրբի 317-րդ էջում տպագրված է. «к востоку от Котора», սակայն Բ. Հարությունյանը պարտավոր էր հաշվի առնել ականավոր հայագետի դրբի վերջում ուղղումների ցուցակում կատարված նշումը, ըստ որի 317-րդ էջի երկրորդ տողի վրիպակը անհրաժեշտ է ուղղել. «к западу от Котора»⁶⁰։ Ն. Աղոնցի շարադրանքում հետազոտողի նշած առումով ոչ մի հակասություն գոյություն չունի Բ. Հարությունյանը ժխտում է նաև Ս. Նրեմյանի տեսակետը Թոռնավանը Մարմեն գետի վերին հոսանքում տեղագրելու կապակցությամբ և այն տեղագրում է Ճուաշի ավազանի արևմտյան մասում, Թոռնավանի կազմում նշելով նաև Աղանդ-նոս գետի ավազանը⁶¹։ Այդ եզրահանգմանը նա գալիս է ելնելով «ի Ճուաշ եւ ի Թոռնաւան», «զՃուաշ գաւառն եւ ռԹոռնաւան», «զԹոռնաւան, եւ Ճուաշ գաւառք» հիշատակություններից⁶²։ Սակայն դրանցից կարելի է միայն եզրակացնել, որ Թոռնավանը ե Ճուաշը հարեան գավառներ էին։ Թովմա Արծրունին գրում է. «Իսկ Պարսկահայոց գոհան խուժան անեալ... գան հասանեն ի Մարդաստան գաւառ յաւանն Վիտահոտ հանեն զսուր, վարեն ի գերութիւն, եւ առնուն աւար, եւ ի յանցին դառնան ի Ճուաշ եւ Թոռնաւան գաւառ, անցեալ ընդ Կրճունեաց գաւառն։ Եւ վարեն ի գերութիւն աւարառութեամբ զԼեկ, եւ զԱղզի, եւ զԿրեքեացն, եւ ի Ճախուկ գաւառէն»⁶³։ Բ. Հարությունյանը այս հաղորդումից եզրակացնում է. «Թշնամիները, ասպատակելով Մարդաստանը և գերեվարելով Լեկը, Աղզին, Կրեքիքը և Ճահուկը, վերադարձին Կրճունիքի վրայով անցնում են Ճուաշ և Թոռնավան։ Անձախիձորից քիչ հյուսիս գտնվում է Կուրջան-գյաղուկ լեռնանցքը, որը հինավուրց Կրճունիքի լեռնանցքն է, որի վրայով էլ Թշնամին մտել է Ճուաշ և Թոռնավան»⁶⁴։ Սակայն Թովմա Արծրունու վերոհիշյալ տեքստը այլ բովանդակություն է պարունակում։ Մարդաստանից վերադառնալիս Թշնամին անցել է Ճուաշ և Թոռնավան, այնուհետև Կրճունյաց գավառներով։ Թշնամու հրոսակները դրանից հետո գերեվարել և ավաբառել են Լեկ, Աղզի, Կրեքեաց և Ճահուկ գավառներում, որոնք համապատասխանաբար գտնվում էին Վասպուրականի հարավում և Կորճայքում։ Այնտեղից Թշնամին գնաց Պարսկահայք նախ Թրարի գավառը, այնուհետև՝ Արասի գավառի Ենոճ քաղաքը, որը Հայաստանի հարավային սահմանի մոտ էր գտնվում, Ուրմիա լճից հարավ-արևմուտք։ Ըստ Բ. Հարությունյանի, ստացվում է հակասակը. նա կարծում է, որ Լեկից, Աղզիից, Կրեքիքից և Ճահուկից հետո Թշնամին Կրճունիքի վրայով մտավ Ճուաշ և այնուհետև Թոռնավան։ Բ. Հարությունյանը գրում է, որ Աղանդ-նոս գավառի տեղագրությունը ոչ մի դժվարություն չի ներկայացնում, որովհետև գավառանունը պահպանվել է Կարմիր կամ Կոտոր գետի ձախափնյա վտակ Ալլանդ-դերեի կամ Ալլանդ-չայի անվան մեջ⁶⁵։ Ալլանդ-չայը Աղանդ-նոս գետի օտարալեզու անվանաձևն է։ Իսկ ընդ որ հետազոտողը Աղանդ-նոսի ավազանը նշում է Թոռնավանի կազմում։ Ուրեմն, ըստ նրա ստացվում է, որ Աղանդ-նոսի ավազանը Թոռնավանի մի մասն էր կազմում, և միևնույն ժամանակ այդտեղ էր տեղագրված Աղանդ-նոս գավառը։ Նման շփոթությունը արգասիք է այն հանգամանքի, որ Բաբիդովիտ-Աղիովիտի հարցը լուրջադատված Բ. Հարությունյանը այն տեղագրում է Ս. Նրեմյանի նշած Թոռնավանի տեղում, իսկ Թոռ-

⁶⁰ Н. Адонц, *нշվ. աշխ.*, էջ 526:

⁶¹ Բ. Հարությունյանը այն կարծիքին է, որ Ճուաշ-նոս գետի ավազանը բաժանված է արևելյան և արևմտյան մասերի, որոնք տնտեսական և ֆիզիկաաշխարհագրական ամբողջություն չեն կազմում (ԲՅԶ, էջ 117)։ Նշենք, որ Ճուաշ գետը, բացի իր վերին մասից (այստեղ նրա ուղղությունը հյուսիս-արևմուտքից հարավ-արևելք է), հոսում է արևմուտքից արևելք, ուստի, խոսք կարող է լինել հյուսիսային և հարավային հատվածների մասին։ Ճուաշ գետի կիրճով անջրպետվող երկու լեռնաբազուկները փաստորեն գտնվում են այդ գետի աջ և ձախ ափերին։ Այդ ավազանով անցնող ճանապարհները կապում էին հյուսիսային՝ ձախափնյա և հարավային՝ աշափնյա մասերը։ Ճուաշ-նոս գավառի տարածքը լեռնային դժվարամատչելի շրջան է (ամբողջությամբ վերցված), ինչպես բնորոշ է Հայաստանի բոլոր լեռնային գավառներին։

⁶² «Պատմութիւն տանն Արծրունեաց ի Թովմայ վարդապետէ Արծրունւոյ», Կոստանդնուպոլիս, 1852, էջ 219, 282, 291, 303; Հ. Հյուրշմանը գտնում է, որ Վասպուրականի Թոռնավան գավառանունը կապված է Թոռն-Թոռնիկ անվան հետ (Հ. Հյուրշման, Հին հայոց տեղւոյ անունները, Վիեննա, 1907, էջ 349)։ Հավանական է, որ Թոռնիկ անունը Մամիկոնյանների անցել էր VIII դ. երկրորդ քառորդից, երբ նրանք մի առ ժամանակ հայտնվել էին Վասպուրականում։ Իսկ Թոռնավան գավառանունը պետք է հնագույն ծագում ունենա։

⁶³ Թովմա Արծրունի, էջ 291:

⁶⁴ ԲՅԶ, էջ 117:

⁶⁵ Նույն տեղում, էջ 121:

նախանձ⁶⁶ նա ստիպված է լինում տեղադրել վերոհիշյալ տարածքում: Ս. Երեմյանը ձուռառոտ գավառը տեղադրում է նույնանուն դետի ընդարձակ հովտում, Աղանդ-ոռոտ նույնանուն գետի հովտում, մինչև նվարսակը⁶⁷, Կրճունիքը՝ Կոտոր գետի ակունքների շրջանում, Մարանդը՝ Կարմիր գետի⁶⁸ աջ վտակ Մարանդի ավազանում, Գուկանը՝ Խոշա, գետի ստորին հոսանքի շրջանում, Գարիթյանը՝ Ուրմիա լճից հյուսիս-արևելք:

Քննադատելով Բասորոպեդան Վասպուրականի հետ նույնացնող գիտնականների տեսակետը, Բ. Հարությունյանը հետևում է Հ. Հյուբշմանի և Ս. Երեմյանի կարծիքին: Սակայն նա միտում է Բասորոպեդան Պարսպատունիքի հետ նույնացնելու և վերջինս այժմյան Ղարադաղում տեղադրելու մասին Ս. Երեմյանի տեսակետը: Ըստ Բ. Հարությունյանի, Պարսպատունիքը գրեթե ամբողջ էր Հերից արևմուտք, Կոտորի ավազանում տեղադրված զոգահովտում և «ավելի շատ վերաբերելու էր Անձախիձորին»: Նա նշում է, որ Բասորոպեդան համապատասխանում է Պարսաճայք (Պարսկահայք) աշխարհին⁶⁹: Նշենք, որ Ս. Պետրոսյանը հանգամանորեն վերլուծել է Պարսպատունիքի թե՛ ստուգաբանության և թե՛ տեղադրության հետ կապված հարցերը և ճիշտը համարել է Ս. Երեմյանի կարծիքը: Ս. Պետրոսյանը, ելնելով կուսակալների մասին Մովսես Խոփենացու հաղորդումից, գտնում է, որ կուսակալ-սահմանակալները կոչվում էին նաև իրանական համապատասխան տերմինով՝ «պարսպետ»: Հեղինակը դրանից եզրակացնում է, որ այդ տերմինը պահպանվել է Պարսպատունիք տեղանվան մեջ, որը կարող էր ծագել որպես տոհմանուն (Պարսպատունի)՝ ընկալված «պարսպատ» տիտղոսից⁷⁰:

Բ. Հարությունյանը, նման զուգահեռներ անցկացնելով, չի ընդունում Ս. Երեմյանի առաջարկած Վարաժնունիքի տեղադրությունը (Սարխալան գետակի ձորում)⁷¹ և այն դնում է Զուլֆա—Մարանդ ճանապարհից արևելք: Նա գրում է. «Արաքս գետից հարավ գտնվում է Լավար: Նաև գետակի ավազանը համանուն բնակավայրով: Ռուսական քարտեզներում այն հիշատակվում է Լուվարշան դրոմբյամբ: Կարծում ենք, որ Լավարշան անունը ծագում է արաքսականացված Ալվարշանից, իսկ վերջինս էլ հանդիսանում է Վարաժնունիքի տեղադրական հեռավոր արձագան»:

66 Բ. Հարությունյանը գտնում է, որ «Աշխարհացոյց»-ի մի շարք ձեռագրերում հանդիպող «Դուռնաւան տաւրնթերցումը» պատահական չէ: Նա կարծում է, որ սկզբում եղել է «Թոռնաւան» բարբառային ձևը, իսկ հետագայում սրբագրվել է «Դուռնաւան», նշանակելով լեռնանցքի հարեմվանությամբ գտնվող ավան: «Քաղաքական անբարենպաստ պայմանների հետևանքով,— գրում է հետազոտողը,— ավանը կարող էր վերածվել գյուղի, որի հետևանքով բնակավայրը կստանար «Թոռն» գիւղ» կամ «Գիւղ Թոռն» անունը: Հեր գավառի անմիջապես սահմանի վրա ձուռառոտ գետի ավազանի արևմտյան մասում մինչև այսօր լեռնանցքից ոչ շատ հեռու գոյություն ունի Գյուլդուր գյուղը, որը թերևս հին Թոռնավանն է» (ԲԵՀ, էջ 117): Նման սրբագրությամբ հնարավոր չէ ապացուցել Թոռնավանի տեղադրությունը: Մասնավորապես, որ Գյուլդուրը գտնվում է պատմական Աղանդ-ոռոտ գավառի տարածքում:

67 Տե՛ս Ս. Երեմյան, նշվ. աշխ., քարտեզը և էջ 32, 53, 64:

68 Բ. Հարությունյանը Կոտոր կամ Կարմիր գետից արևելք ընկած շրջանում անորոշ ձևով տեղադրում է Արտաշիսյան գավառը, չհամաձայնելով Ս. Երեմյանի առաջարկած սրբագրության հետ («Արտաշիսեան, [որ է] Արտաշանեան գաւառ»): Ս. Երեմյանը Արտաշիսյանը անդադրում է այժմյան Արտամետի շրջակայքում (Ս. Երեմյան, նշվ. աշխ., էջ 41, 109):

69 Բ. Հարությունյանը այդ ենթադրությունը անում է՝ Բասորոպեդան «թարգմանելով որպես կիրճի ամրության լեռնադաշտ» (ԲԵՀ, էջ 122): Սակայն Անձախիձորում (Կոտոր գետի հովտում) աղբյուրները «Պաս» անունով ամրություն չեն հիշատակում: Ինչպիսիք է հետազոտողը «Բասորոպեդան» և «Պարսաճայք» («Պարսկահայք») անունների երկրորդ մասերն իրար նույնացնում, եթե մեկը նշանակում է «լեռնադաշտ», իսկ մյուսը՝ «ձայք»:

70 Ս. Գ. Պետրոսյան, Փայտակարանը և Պարսպատունիքը I դ. երրորդ քառորդում (ՊՐՀ, 1975, № 2, էջ 181—182):

71 Ս. Երեմյան, նշվ. աշխ., էջ 82: Այս հարցի կապակցությամբ Բ. Հարությունյանը Ե. Երեմյանին է վերագրում մի սրբագրություն, որի մասին գիտնականը մի առիթ անգամ չի գրել: Իսկ Վ. Վարդանյանի՝ Թովմա Արծրունու տեքստում կատարած այդ սրբագրությունը («Ընդ վարադիս—Ընդ Վարաժնունիս») Բ. Հարությունյանը արգասիք է համարել Ս. Երեմյանի աշխատություններում գոյություն չունեցող այդ սրբագրության ազդեցության:

172: Արարական աղբյուրներում Հայաստանի տարածքում Ալ-Վարչան տեղանուն չի հանդիպում: Առավել ևս դժվար է պատկերացնել, որ գոյություն չունեցող անվանաձևը կարող էր հիմք հանդիսանալ լավարչանի համար: Եվ ընդհանրապես ի՞նչ կապ գոյություն ունի լավարչանի և Վարաժնուսի միջև: Եթե ընդհանուր բնույթի դատողություններով ղեկավարվենք, ապա Վ. Վարաժնյանի առաջարկած սրբապրությունը, թերևս, ավելի տրամաբանական է:

Բ. Հարությունյանը Կարմիր գետից և Ուրմիա լճից արևմուտք Վարաժնուսի հետ տեղադրում է նաև Գաղրիկյանը և Տաղրյանը, առաջինի արձագանքը համարելով Զարագան գյուղանունը, իսկ երկրորդին՝ Զեզրեան⁷³: Ճիշտ է, հետազոտողը նշում է, որ իր տեղագրությունները խիստ թեական են, սակայն նա գերադասում է ապավինել դրանց, քան հետևել Ս. Երեմյանի տեսակետին, որը մեր կարծիքով, ավելի հիմնավոր է: Ս. Երեմյանը Գաղրիկյանը ենթադրաբար տեղադրում է Տառն գետի (այժմ Զուլա-չայ) ակունքների շրջանում, որտեղ գտնվում է Կասրիկ գյուղը⁷⁴, իսկ Տաղրյանը՝ Վանաստորի լեռնանցքի և Աղբակ գետի միջև, որտեղ այս գավառի անունը հիշեցնում է Գեյզը վայրը (հմտ. Դարեհ Ա-ի Բիհիսթունի արձանագրության Tigra վայրը)⁷⁵:

Ն. Աղոնցը, հենվելով Թովմա Արծրունու մի հաղորդման վրա, գրել է, որ Վասպուրականի մի մասը հնում կրել է մարդպետի անունը⁷⁶: Թովմայի այդ հաղորդումը համեմատելով Մովսես Խորենացու տեղեկության հետ՝ «Հայր իշխանի» տիրույթների («յԱտրպատական է մինչև ցճուաչ և ցնախճավան») ⁷⁷ մասին, Բ. Հարությունյանը նշում է, որ նախապատվությունը պետք է տալ պատմահոր վկայությանը⁷⁸: Ելնելով իր այս եզրակացությունից, հետազոտողը Մարդպետականի տարածքը նշում է ըստ Խորենացու հաղորդման, իսկ Թովմայի հիշատակած գավառները փաստորեն համապատասխան է համարում Տոսպի տարածքին: Սակայն Խորենացու և Արծրունու հաղորդումները տարբեր ժամանակաշրջանների են վերաբերում: Պատմահայրը նշել է այն տարածքը, որը գտնվում էր Մարաց ամուր աշխարհի հարևանությամբ և, հանդիսանալով Հայաստանում մարգերի զբաղեցրած տարածքներից մեկը, ընկած էր Ատրպատականի հետ կալմող սահմանի և Արաքսի գետահովտի միջև: Այդ տարածքը դարձել էր «մարդպետության գործակալություն իշխանապետի սեփականությունը: Այնուհետև Մարդպետականը (սկզբնապես, թերևս, զբաղեցրել է Մարանդի-Բաքանի և Գարիթյանի տարածքը) ընդարձակվել էր իր մեջ ներառելով Թովմայի հիշատակած գավառները: Այսինքն՝ Հայր Մարդպետի տիրույթները բոլորակապակցության հետևանքով ընդարձակվել էին դեպի արևմուտք, հասնելով մինչև Տոսպ-Ուտունի, սակայն Տոսպը երբեք չի հասել մինչև Կարմիր գետը: Ընդարձակումը պետք է տեղի ունենար Տիրանի ժամանակ, երբ Հայր Մարդպետը փորձեց ոչնչացնել Արծրունիների ամբողջ տոհմը: Փրկված Շավասյը հետագայում ժառանգեց հոր կալվածքները⁷⁹: Ինչպես նշել է Ն. Աղոնցը, Մ. զարում մարդպետների տոհմը այլևս գոյություն չունի, իսկ հաղթանակած Արծրունիները ներառեցին տիրույթների հետ մեկտեղ ժառանգեցին մարդպետ տիրույթը⁸⁰: Խորենացու հաղորդումից երևում է, որ նախնականը Մարդպետականի կազմում չէր: Ելնելով Խորենացու և Ստ. Օրբելյանի հաղորդումներից⁸¹, Բ. Հարությունյանը կարծիք է հայտնել, որ Գողթնը և Նախճավանը պետք է գտնվեին մեկ այլ վարչական միավորի՝ Սյունիք աշխարհի մեջ⁸²: Նշելով, որ Ն. Աղոնցը կաս-

72 ԲԵԶ, էջ 125:

73 Նույն տեղում, էջ 124:

74 Բ. Հարությունյանը գրում է, որ Հարավային Վասպուրականում Կասրիկ անունով մի քանի բնակավայր կան և թե ինչու է նախապատվություն տրվել այդ մեկին: Իսկ ինչու պետք է ընդգրկել Զարագան գյուղանունը որպես Գաղրիկյան գավառի անվան արձագանք, եթե ոչ միայն արտաքին, այլև ներքին՝ իմաստային կապ չկա դրանց միջև:

75 Ս. Երեմյան, նշվ. աշխ., էջ 84:

76 Н. Адопц, նշվ. աշխ., էջ 319:

77 Մովսես Խորենացի, էջ 112:

78 ԲԵԶ, էջ 118:

79 Н. Адопц, նշվ. աշխ., էջ 319:

80 Նույն տեղում, էջ 320:

81 Մովսես Խորենացի, էջ 112, «Ստեփաննոսի Սիւնեաց եպիսկոպոսի Պատմութիւն տանն Սիսական», Մոսկվա, 1881, էջ 13:

82 ԲԵԶ, էջ 126:

կածել է հիշյալ զավառների Վասպուրականին վերադրելուն, հետազոտողը դրել է. «Մեզ անհայտ պատճառներով արքունիքը վերահիշյալ զավառները անշատել է Սյունիքից և մտցրել Մարդպետականի մեջ, որը վերջին հաշվով արքունի կալվածք էր: Տրամաբանական է կարծել, որ նման վարչական փոփոխությունը նպատակ ուներ սահմանազատել արքունի կալվածքները Սյունյաց իշխանների ժառանգական տիրույթներից: Եվ քանի որ Մարդպետական ներքինի իշխանության տարածքը արքունի կալվածքների մի որոշակի ձև էր, աշխարհագրական տեսակետից արքունիքը նպատակահարմար է գտել նրանց կցել Գողթն և Նախճավան զավառները»⁸³:

Հայոց արքունիքը Մեծ Հայքի թագավորության գոյության ժամանակաշրջանում մշտական պայքար է մղել կենտրոնախույս ուժերի դեմ և ամեն կերպ ջանացել է կենտրոնական ուժերի հսկողության տակ պահել հայոց հողերը: Բ. Հարությունյանի նշած «անհայտ պատճառներով» այդպես էլ չեն բացահայտվել, քանի որ ոչ մի տրամաբանություն չկա կարծելու, թե հայոց արքունիքը երբևիցե նպատակ է ունեցել արքունի կալվածքները Սյունիքից սահմանազատելու: Եվ ընդհանրապես աղբյուրներից հայտնի չէ որևիցե փաստ, որը վկայեր, թե արքունիքը իրեն ենթակա որևիցե իշխանությունից զավառներ բռնագրավեր՝ դրանից սահմանազատվելու նպատակով: Եթե նույնիսկ բռնագրավումներ եղել են (իսկ այդպիսիք իրոք եղել են), ապա դրանք կատարվել են այլ զրգապատճառների հետևանքով և ոչ թե «աշխարհագրական տեսակետից»:

Կարծել, թե Նախճավանն էլ է ինչ-որ ժամանակ եղել Սյունիքի կազմում, ուրեմն պետք է ենթադրել նաև, որ հայոց արքունիքը, երկրի պաշտպանության մասին հոգավով, հարավ-արևելքից դեպի կենտրոն եկող գլխավոր ճանապարհի վրա գտնվող Նախճավան և Գողթն զավառները ամրացրել, ստրատեգիական տեսակետից դրանց որոշ ինքնուրույնություն է շնորհել: Ըստ երեւյթի, այդ ուղիով է ընթացել Նախճավանի և Գողթնի անշատումը Սյունիքից և դրանց վերափոխումը արքունի կալվածքների: Այնպես որ, հայոց արքունիքը Նախճավանով և Գողթնով ոչ թե սահմանազատվել է Սյունիքից, այլ դրանց տարածքում ստեղծել է երկրորդ պաշտպանական ամրացված գոտին հարավ-արևելքից ներխուժող թշնամիների դեմ (առաջինը, այդ ուղղության վրա անցնում էր Մարդպետականի հարավով և Պարսպատունիքով): Հայ Արշակունիների թագավորության անկումից հետո այդ զավառները մտել են Հայոց մարդպետության կազմի մեջ՝ Արեւելյան Հայաստանի մյուս հողերի հետ մեկտեղ: 571 թ. հետո Նախճավանը և Գողթնը շարունակեցին մնալ Հայոց մարդպետության կազմում և 591 թ. ընդգրկվեցին Վասպուրական գնդի մեջ՝ այսինքն, դարձան Վասպուրական աշխարհի ամբողջացող տարածքի մասերը: Հենց այս ժամանակաշրջանից այն հասնում է իր ձևավորման Անանիա Շիրակացու «Աշխարհացոյց»-ում արձանագրված փուլին:

Այսպիսով, Արեւելյան Հայաստանը վարչաքաղաքական տեսակետից VI դ. վերջին տասնամյակում բաղկացած էր հետևյալ մասերից. Մարդպետական Հայաստան (ընդգրկում էր Բրանին մնացած Այրարատի արևելյան հատվածը և Վասպուրական գոլնդը, որն, ըստ «Աշխարհացոյց»-ի, այս ժամանակաշրջանից արդեն համազոր էր դառնում Վասպուրական աշխարհին), Սյունիք, Ուտիք և Արցախ⁸⁴: VII դ. սկզբներին վերսկսված և որոշ ընդմիջումներով՝ երկու տասնամյակից քիչ ավելի տևած բյուզանդա-իրանական պատերազմների հետևանքով Հայաստանը կրկին դարձավ ռազմական գործողությունների և արշավանքների թատերաբեմ: Պարզ է, որ այդպիսի պայմաններում Հայաստանի թե՛ արևմտյան և թե՛ արևելյան մասերի վարչատարածքային վիճակը խախտվել էր: Տարածքային նվաճումների առումով Իրանը Բյուզանդիայի նկատմամբ զգալի առավելության էր հասել: Սակայն VII դ. 20-ական թվականներին կայսրությունն անցավ հակահարձակման, և Սասանյան Իրանի պարտությունը անխուսափելի դարձավ: Բյուզանդիայի 628 թ. հաղթանակից հետո (629 թ.) «սահման հաստատեցաւ նոյն՝ որ առ նոսրով և: Մարկաւ հաստատեալ էր»⁸⁵: Այնուամենայնիվ, ժամանակները փոխվել էին, և Սասանյանների տիրապետությունը Արեւելյան Հայաստանում կորցրել էր իր ուժը և շուտով՝ վերացավ: Վարազ-

⁸³ Նույն տեղում:

⁸⁴ Ուտիքում գտնվում էր «միւս» Տիգրանակերտը, իսկ Արցախում՝ Տիգրանակերտը (Սեն-Բեռնար, էջ 125): Վերջինիս տեղագրության մասին «Հայ ժողովրդի պատմության» Բ հատորի մեր շարադրած տեքստում տպագրված է. «Կուր գետի ձախափնյա մասում խաչնազետ. և Գարգար գետերի միջև» (գլ. XIII, էջ 298): Անհրաժեշտ ենք համարում տալ հետևյալ ուղղումը. «Կուր գետի աջափնյա վտակ խաչնազետի և Արաքս գետի ձախափնյա վտակ Գարգարի միջև»:

⁸⁵ Սեն-Բեռնար, էջ 131:

աւիրող Բագրատունի, Դավիթ Սահարունի, Բենդարոս Ոչտունի, վտանգելով իրենց կյանքը, քաղաքական ծանր պայմաններում անգույ պայքար մղեցին հանուն հայկական հողերի վերամիավորման, Հայաստանի տարածքային ամբողջականության վերականգնման:

АДМИНИСТРАТИВНО-ТЕРРИТОРИАЛЬНОЕ ДЕЛЕНИЕ ВОСТОЧНОЙ АРМЕНИИ (591—629)

ЭДУАРД ДАНИЕЛЯН

Резюме

Восточная Армения в административно-политическом отношении состояла из марзпанской Армении (включала в себя оставшиеся после раздела 591 г. под владычеством Ирана часть Айрарата, Васпураканский гунд, который к тому времени территориально уже соответствовал Васпураканской области, описанной Ананием Ширакаци в «Ашхарацуйце»), Сюника, Утика и Арцаха.

Возобновление византийско-иранских военных действий в начале VII в. нарушило административно-территориальные и политические деления западной и восточной частей Армении. Византийско-иранская граница 591 г. была официально восстановлена в 629 г., после поражения (628 г.) Ирана, нанесенного Византией. Однако владычеству Саосанидов в Восточной Армении вскоре пришел конец. В тяжелых внешне- и внутриполитических условиях армянские государственные деятели Варазтироц Багратуни, Давид Сяаруни и Теодорос Рштуни возглавили борьбу за восстановление территориальной целостности Армении.